

王粲

字仲宣

魏  
山陽





王侍中集引



仲宣早見重于中郎其  
家書籍盡以與之歛後受  
知時宰殆其衣盡之遺焉  
建安諸子都以文來見叔  
不當事任獨仲宣每預謀



三什中集 序  
議朝夕左右臣備預疑當塗  
大典制皆出其手此豈應劉  
陳阮所可比肩哉魏武多猜  
而仲宣嫉變神姿永消嫌  
貳當五官將及臨淄時法  
賢多構異同乃仲宣耦俱

締好意無私戴波蓋精于  
弈者嘗局商榷制勝隨緣  
白黑主人名之若歡而敬  
迨其沒也子建為構誅而子  
桓之送葬皆作驢鳴此善  
處人骨肉間者之効也仲



宣文凡十卷今存僅此許故  
之獨步漢南

紹和張燮識



王侍中集目錄

卷之一

賦

登樓賦

遊海賦

浮淮賦

魏文帝浮淮賦序附

初征賦

羽獵賦



思友賦

傷天賦

出婦賦

寡婦賦

神女賦

閑邪賦

大暑賦

酒賦

瑪瑙勒賦

車渠枕賦

迷迭賦

柳賦

槐賦

白鶴賦

鸚鵡賦

鶡賦

鶯賦

卷之二



樂府

俞兒舞歌四首

矛俞新福歌

弩俞新福歌

安臺新福歌

行辭新福歌

詩

贈蔡子篤詩

贈士孫文始

贈文叔良

思親詩

公讌詩

從軍詩

從軍詩四首

詠史詩

雜詩

雜詩四首

七哀詩三首



書

為劉荊州與袁譚書

為劉荊州與袁尚書

檄

為荀彧與孫權檄

卷之三

七

七釋

記

荊州文學記

論

務本論

三輔論

難鍾旬太平論

儒吏論

爵論

又

連珠

連珠四首



頌

太廟頌三首

靈壽杖頌

贊

正考父贊

友金人贊

銘

刀銘 有序

硯銘

蕤賓鐘銘

無射鐘銘

祭文

弔夷齊文

附錄

王粲傳

晉陳壽

王仲宣誄

魏陳王植

贈王粲

魏陳王植

又贈丁儀王粲

魏陳王植



遺事

集評

王中宣著

張東王直

王榮卿

晉刺 壽

謝

甲庚齊文

參文

無以論

參

王侍中集卷之一

魏山陽王粲仲宣著

明閩漳張燮紹和纂

賦

遊海賦

乘菌桂之方舟浮大江而遙逝翼驚風而長驅  
集會稽而一睨登陰隅以東望覽滄海之體勢  
吐星出日天與水際其深不測其廣無臬尋之  
冥地不見涯洩章亥所不極盧敖所不屆懷珍



藏寶神隱恠匿或無氣而能行或含血而不食  
或有葉而無根或能飛而無翼鳥則爰居孔鵠  
翡翠鸕鷀續紛往來沈浮翱翔魚則橫尾曲頭  
方目偃頰大者若山陵小者重鈞石乃有賁蛟  
大貝明月夜光螭鼈瑇瑁金質黑章若夫長洲  
別島旗布星峙高或萬尋近或千里桂林藂乎  
其上珊瑚周乎其趾羣犀代角巨象解齒黃金  
碧玉名不可紀洪洪洋洋誠不可度也處嶠夷  
之正位兮同色號於穹蒼包納汚之弘量正宗  
廟之紀綱總衆流而臣下爲百谷之君王







而濟深悲舊鄉之壅隔兮涕橫墜而弗禁昔尼  
父之在陳兮有歸歎之歎音鍾儀幽而楚奏兮  
莊舄顯而越吟人情同於懷土兮豈窮達而異  
心惟日月之逾邁兮俟河清其未極冀王道之  
一平兮假高衢而騁力懼匏瓜之徒懸兮畏井  
渫之莫食步棲遲以徙倚兮白日忽其將匿風  
蕭瑟而並興兮天慘慘而無色獸狂顧以求羣  
兮鳥相鳴而寒真原野聞其無人兮征夫行而  
未息心悽慘以感發兮意忉怛而惜惻霜堦除  
而下降兮氣交憤於胸臆夜參半而不寐兮憂  
盤桓以反側

飛聲舟  
於是  
日  
驚  
勝



隅之帶芥濟元勲於大舉垂休績乎遠裔

魏文帝浮淮賦序附

建昌十四年王師自譙東征大興水軍浮舟  
萬艘時余從行始入淮口行泊東山觀師徒  
觀旌帆赫哉盛矣雖孝武盛唐之狩舳艫千  
里殆不過也乃作斯賦云命粲同作

初征賦

違世難以廻析兮超遙集于蠻楚逢屯否而底  
滯兮忽長幼以羈旅賴皇華之茂功清四海之  
疆宇超南荆之北境踐周豫之末畿野蕭條而  
騁望路周達而平夷春風穆其和暢兮庶卉煥  
以敷蕤行中國之舊壤實吾願之所依當短景  
之炎陽犯隆暑之赫曦薰風温温以增熱體燁  
燁其若焚



羽獵賦

濟漳浦而橫陣倚紫陌而並征樹重且於西址  
列駿騎乎北垆遵古道以游豫今昭勸助乎農  
圃因時隙之餘日兮陳苗狩而講旅相公乃乘  
輕軒駕四駱拊流星屬繁弱選徒命士威輿竭  
作旌旗雲擾鋒刃林錯揚輝吐火曜野蔽澤山  
川於是乎搖蕩草木爲之摧落禽獸振駭覓亡  
氣奪舉首觸絲搖尾遇捷陷心裂胃潰頸破頰  
鷹犬競逐奕奕霏霏下韞窮縹搏肉噬肌墜者







傷天賦

惟皇天之賦命寔浩蕩而不均或老終以長世  
或昏天而夙泯物雖存而人亡心惆悵而長慕  
哀皇天之不惠抱此哀而何愬求魂神之形影  
羗幽冥而弗迓淹徘徊以想像心彌結而紆縈  
晝忽忽其若昏夜炯炯而至明

出婦賦

旣僥倖兮非望逢君子兮弘仁當隆暑兮人羽赫  
猶蒙眷兮見親更盛衰兮成敗恩情固兮日新  
竦余身兮敬事理中饋兮恪勤君不篤兮終始  
樂枯蕘兮一時心搖蕩兮變易忘舊如兮棄之  
馬已駕兮在門身當去兮不疑攬衣帶兮出戶  
顧堂室兮長辭



五傳中集 卷一 九  
寡婦賦

闔門兮却掃幽處兮高堂提孤孩兮出戶與之  
步兮東廂顧左右兮相憐意悽愴兮摧傷觀草  
木兮敷榮感傾葉兮落時人皆懷兮歡豫我獨  
感兮不怡日掩曖兮不昏明月皎兮揚暉坐幽  
室兮無爲登空牀兮下幃涕流連兮交頸心懣  
結兮增悲

神女賦

惟天地之普化何產氣之淑真陶陰陽之休液  
育天麗之神人稟自然以絕俗超希世而無羣  
體纖約而方足膚柔曼以豐盈髮似玄鑿鬢類  
刻成質素純皓粉黛不加朱顏熙曜睇若春日  
譬含丹目若瀾波美姿巧笑靨輔奇牙戴金羽  
之首飾珥照夜之珠璫襲羅綺之黼衣曳縵繡  
之華裳錯繽紛以襍桂佩熠爚而焜煌退變容  
而改服冀致態以相移稅衣裳兮免簪笄施華



玉侍中集卷一  
的兮結羽儀揚娥微盼懸眇流離婉約綺媚舉  
動多宜稱詩表志安氣和聲探懷授心發露幽  
情彼佳人之難遇真一遇而長別顧大罰之淫  
愆亦終身而不滅心交戰而貞勝乃回意而自  
絕

閑邪賦

夫何英媛之麗女貌洵美而艷逸橫四海而無  
仇超遐世而秀出發棠棣之春華當盛年而處  
室恨年歲之方暮哀獨立而無依情紛拏以交  
橫意慘悽而增悲何性命之奇薄愛兩絕而俱  
違排空房而就衽將取夢以通靈日爛爛而不  
寐心忉怛而惕驚



森山以野而野  
藪其空矣而荒  
琳琳其野以  
鬱意刺刺而  
室外平遠之  
外賦野野而  
夫何英數之  
閑雅知

大暑賦

惟林鍾之季月重陽積而上升喜潤土之源暑  
扇溫風而至興或赫熾以瘴炎或鬱衍而燠蒸  
獸狼望以倚喘鳥垂翼而弗翔根生苑而焦炙  
豈含血而能當遠昆吾之中景天地翕其同光  
征夫瘁於原野處者困於門堂患衽席之焚灼  
譬洪潦之在床起屏營而東西欲避之而無方  
仰庭槐而嘯風風既至而如湯氣呼吸以怯短  
汗雨下而霑裳就清泉以自沃猶沃忍而不涼



森以四時而別驚

歎其空矣而赫赫絳丹費以靈靈日陞陞而不  
斲意剝剝而曾悲何封命之音藹藹而四際而身  
室外平熾之寸暮哀斷立而無死而命以交  
此賦題世而衣出熱氣對之春華當溫平而氣  
夫何英數之蠱文縹緲而迴迴回我而辨  
閑亦知

大暑賦

惟林鍾之季月重陽積而上升喜潤土之溽暑  
扇溫風而至興或赫熾以瘴炎或鬱衍而燠蒸  
獸狼望以倚喘鳥垂翼而弗翔根生苑而焦炙  
豈含血而能當遠昆吾之中景天地翕其同光  
征夫瘁於原野處者困於門堂患衽席之焚灼  
譬洪潦之在床起屏管而東而欲避之而無方  
仰庭槐而嘯風風既至而如湯氣呼吸以怯短  
汗雨下而霑裳就清泉以自沃猶沃忍而不涼



玉佩中集 卷一  
體煩如以於悒心情悶而窘惶於是帝后順時  
幸九嶷之陰岡託甘泉之清野御華殿於林光  
潛廣室之邃宇激寒流於下堂重屋百層垂蔭  
千廡九闥洞開周帷高舉堅冰常奠寒饌代叙

酒賦

帝女儀狄旨酒是獻苾芬享祀人神式宴辯其  
五齊節其三事醜沈盎泛清濁各異章文德於  
廟堂協武義于三軍致子弟之孝養糾骨肉之  
睦親成朋友之歡好贊交徃之主賓既無禮而  
不入又何事而不因賊功業而敗事毀名行以  
取誣遺大耻於載籍滿簡帛而見書孰不飲而  
懼茲罔非酒而惟事昔在公旦極茲話言濡首  
屢舞談易作難大禹所忌文王是艱



祭投壺賦序附○夫注心銳志自求諸身投  
 壺是也  
 祭彈碁賦序附○因行騁志通權達理六博  
 是也  
 祭圍碁賦序附○清靈體道稽謨玄神圍碁  
 是也

馬瑙勒賦

遊大國以廣觀覽希世之備寶總衆材而課美  
 信莫臧於馬瑙被文采之華飾雜朱綠與蒼阜  
 於是乃命工人裁以飾勒因姿象形匪雕匪刻  
 厥容應規厥性順德御世嗣之駿服表駉驥之  
 儀則



車渠椀賦

侍君子之宴坐覽車渠之妙珍挺英才於山岳  
含陰陽之淑貞飛輕縹與浮白若驚風之飄雲  
光清朗以內曜澤溫潤而外津體貞剛而不撓  
理條達而有文雜玄黃以爲質似乾坤之未分  
兼五德之上美超衆寶而絕倫

迷迭賦

惟遐方之珍草兮產崑崙之極幽受中和之正  
氣兮承陰陽之靈休揚豐馨於西裔兮布和種  
於中州去原野之側陋兮植高宇之外庭布萋  
萋之茂葉兮挺苒苒之柔莖色光潤而采發兮  
似孔翠之揚精







槐賦

惟中唐之奇樹稟天然之淑姿超疇畝而登殖  
作階庭之華暉形禕禕以暢條色采采而鮮明  
豐茂葉之幽藹履中夏而敷榮旣立本於殿省  
植根抵其弘深鳥明栖而沒翼人望庇而披襟

白鶴賦

白翎稟靈龜之脩壽資儀鳳之純精接王喬於  
暘谷駕赤松於扶桑浪靈岳之瓊藥吸雲表之  
露漿



鸚鵡賦

步籠阿以躑躅叩衆目之希稠登衡幹以上干  
噉哀鳴而舒憂聲嚶嚶以高厲又悒悒而不休  
聽喬木之悲風羨鳴友之相求日奄藹以鹵邁  
忽逍遙而旣冥就隅角而歛翼倦獨宿而宛頸

鵠賦

惟茲鵠之爲鳥信才勇而勁武服乾剛之正氣  
被淳駟之質羽愬晨風以羣鳴震聲發乎外寓  
厲廉風與猛節超羣類而莫與惟膏薰之焚銷  
固自古之所咨逢虞人而見獲遂因執乎縲纆  
賴有司之圖功不開小而漏微令薄軀以免害  
從孔鶴於園湄



鶯賦

覽堂隅之籠鳥獨高懸而背背雖物微而命輕  
心悽愴而愍之日奄藹以鹵邁忽逍遙而既冥  
就隅角而歛翼眷獨宿而宛頸歷長夜以向晨  
聞倉庚之群鳴春鳴翔於南薨戴鴛集乎東榮  
既同昔而異憂寔感類而傷情

王侍中集卷之二

魏山陽王粲仲宣著

明閩漳張燮紹和著

樂府

俞兒舞歌四首

宋書樂志曰魏渝兒舞歌四篇魏國初  
建所用使王粲改創其辭為矛俞弩俞  
安臺行辭新福歌曲行辭以  
述魏德後於太祖廟並歌之

矛俞新福歌

漢初建國家匡九州蠻荆震服五刃三革休安



不忘備武樂脩宴我賓師敬用御天永樂無憂  
子孫受百福常與松喬遊烝庶德莫不咸歡柔

弩俞新福歌

材官選士劔弩錯陳應桴蹈節俯仰若神綏我  
武烈篤我淳仁自東自西莫不來賓

安臺新福歌

武宋書功既定庶士咸綏樂陳我廣庭式宴賓  
與師昭文德宣武威平九有撫民黎荷天寵延  
壽尸千載莫我違

行辭新福歌

神武用師士素厲仁恩廣覆猛節橫逝自古立  
功莫我弘大桓桓征四國爰及海裔漢國保長  
慶垂祚延萬世

行選焉  
領其弗與



謝書報萬世  
收莫好亦大味  
頓友用頑建其  
亦謂湛灑焉

收莫好亦大味  
頓友用頑建其  
亦謂湛灑焉

詩

贈蔡子篤詩

蔡睦字子篤為尚書仲宣與同避  
難荆州子篤還仲宣作此贈之

翼翼飛鸞載飛載東我友云徂言及舊邦舫舟  
翩翩以泝大江蔚矣荒塗時行靡通慨我懷慕  
君子所同悠悠世路亂離多阻濟岱江行邈焉  
異處風流雲散一別如雨人生實難願其弗與  
瞻望遐路允企伊佇烈烈冬日蕭蕭淒風潛鱗  
在淵歸鴈在軒苟非鴻鵬孰能飛翻雖則追慕



子思罔宣瞻望東路慘愴增歎率彼江流爰逝  
靡期君子信誓不遷于時及子同寮生死固之  
何以贈行言授斯詩中心孔悼涕淚漣洏嗟爾  
君子如何勿思

### 贈士孫文始

三輔決錄注曰士孫萌字文始初董卓  
之誅也萌父端知王允必敗乃命萌將  
家屬至荊州依劉表去無幾果為李傕  
所殺及天子都許昌追論誅卓之功封  
萌為澹津亭侯與山陽王粲  
善萌當就國粲作詩贈萌

天降喪亂靡國不夷我暨我友自彼京師宗守

濫矣越用遁違遷于荆楚在漳之湄在漳之湄  
亦克晏處和通筮墳比德車輔既度禮義卒獲  
笑語庶茲永日無讐厥緒雖曰無讐時不我已  
同心離事乃有逝止橫此大江淹彼南汜我思  
弗及載坐載起惟彼南汜君子居之悠悠我心  
薄言慕之人亦有言靡日不思矧伊嫵婉胡不  
悽而晨風夕逝託與之期瞻仰王室慨其永歎  
良人在外誰佐天官四國方阻俾爾歸藩爾之  
歸藩作式下國無曰蠻裔不虔汝德慎爾所主



率由嘉則龍雖勿用志亦靡忒悠悠澹澹鬱彼  
唐林雖則同域邈其迥深白駒遠志古人所箴  
允矣君子不遐厥心既往既來無密爾音

贈文叔良

樓神記曰文穎字叔良爲荊州從事

翩翩者鴻率彼江濱君子于征爰聘西隣臨此  
洪渚伊思梁岷爾行孔邈如何勿勤君子敬始  
慎爾所主謀言必賢錯說申輔延陵有作僑胥  
是與先民遺跡來世之矩旣慎爾主亦通知幾

操情以華覩著知微視明聽聰靡事不惟董務  
荷名胡寧不師衆不可蓋無尚我言梧宮致辯  
齊楚構患成功有要在衆思歡人之多忌掩之  
實難瞻彼黑水滔滔其流江漢有卷允來厥休  
二邦若否職汝之由緬彼行人鮮克弗留尚哉  
君子異于他仇人誰不勤無厚我憂惟詩作贈  
敢詠在舟

思親詩

爲潘文則作

穆穆顯

初學記作皇

妣德音徽止思齊先姑志侔姜



三什中集 卷二 五  
妣躬此勞瘁鞠予小子小子之生遭世罔寧烈  
考勤時從之于征奄遺不造殷憂是嬰咨于靡  
及退守祧祊五服荒離四國分爭禍難斯逼救  
死于頸嗟我懷歸弗克弗逞聖善獨勞莫慰其  
情春秋代逝于茲九齡緬彼行路焉託予誠予  
誠既否委之于天庶我顯一作剛妣克保遐年亶  
亶惟懼心乎如懸如何不弔早世徂顛於存弗  
養於後弗臨遺愆在體慘痛切心形景尸立魂  
爽飛沈在昔蓼莪哀有餘音我之此譬憂其獨  
深胡寧視息以濟于今巖巖叢險則不可推仰  
瞻歸雲俯聆飄回飛馬靡翼超馬靡階思若流  
波清似坻頽詩之作矣情以告哀

公讌詩

昊天降豐澤百卉挺葳蕤涼風撤蒸暑清雲却  
災暉高會君子堂並坐蔭華棖嘉肴充圓方旨  
酒盈金壘管絃發徽音曲度清且悲合坐同所  
樂但慙栝行遲常聞詩人語不醉且無歸今日  
不極歡含情欲待誰見春良不趨守分豈能違



古人有遺言君子福所綏願我賢主人與天享  
巍巍克符周公業奕世不可追

從軍詩

公西征張魯魯及五子降侍  
中王粲作五言詩以美其事

從軍有苦樂但問所從誰所從神且武焉得久  
勞師相公征關右赫怒震天威一舉滅獯虜再  
舉服羗夷西收邊地賊忽若俯拾遺陳賞越丘  
山酒肉踰川坻軍中多沃饒人馬皆溢肥徒行  
兼乘還空出有餘資拓地三千里往返一如飛

歌舞入鄴城所願獲無違晝日處大朝日暮薄  
言歸外叅時明政內不廢家私禽獸憚爲犧良  
苗實已揮竊慕負鼎翁願厲朽鈍姿不能效沮  
溺相隨把鋤犁熟覽夫子詩信知所言非

從軍詩四首

粲從曹公  
征吳作

涼風厲秋節司典告詳刑我君順時發桓桓東  
南征汎舟蓋長川陳卒被隰堦征夫懷親戚誰  
能無戀情拊衿倚舟檣眷眷思鄴城哀彼東山  
人喟然感鶴鳴日月不安處人誰獲恒

善作  
常寧



昔人從公旦一徂輒三齡今我神武師暫往必  
 速平棄余親睦恩輸力竭忠貞懼無一夫用報  
 我素餐誠夙夜自忤善庚反性思逝若抽縈將秉  
 先登羽豈敢聽金聲

從軍征遐路討彼東南夷方舟順廣川薄暮未  
 安坻白日半西山桑梓有餘暉蟋蟀夾岸鳴孤  
 鳥翩翩飛征夫心多懷悽善本作惻愴令吾悲下船  
 登高防草露霑我衣迴身赴牀寢此愁當告誰  
 身服干戈事豈得念所私卽戎有授命茲理不

可邊

朝發鄴都橋暮濟白馬津逍遙河隄上左右望  
 我軍連舫踰萬艘帶甲千萬人率彼東南路將  
 定一舉勳籌策運帷幄一由我聖君恨我無時  
 謀譬諸具官臣鞠躬中堅內微畫無所陳許歷  
 爲完士一言猶善作獨敗秦我有素餐責誠愧伐  
 檀人雖無鉛刀用庶幾奮薄身

悠悠涉荒路靡靡我心愁四望無煙火但見林  
 與丘城郭生榛棘蹊徑無所由桓蒲竟廣澤



葭葦夾長流日夕涼風發翩翩漂吾舟寒蟬在  
樹鳴鸛鵠摩天游客子多悲傷淚下不可收朝  
入譙郡界曠然消人憂雞鳴達四境黍稷盈原  
疇館宅充鄜里士女滿莊墟五臣作  
墟音仇自非賢聖  
國誰能享斯休詩人美樂土雖客猶願留

詠史詩

自古無殉死達人所共知秦穆殺三良惜哉空  
爾爲結髮事明君受恩良不訾臨沒要之死焉  
得不相隨妻子當門泣兄弟哭路陲臨穴呼蒼  
天涕下如綆縻人生各有志終不爲此移同知  
埋身劇心亦有所施生爲百夫雄死爲壯士規  
黃鳥作哀詩至今聲不虧

雜詩

日暮遊西園冀寫一作  
寫我憂思情曲池揚素波列  
樹敷丹榮上有特棲鳥懷春向我鳴寒衽欲從  
之路險不得征徘徊不能去佇立望爾形風飈  
揚塵起白日忽已冥回身入空房託夢通精誠  
人欲天不違何懼不合弁



雜詩四首

吉日簡清時從君出西園方軌策良馬金驅厲  
中原北臨清漳水西看柏陽山回翔遊廣園道  
遙波水間

列車息衆駕相伴綠水湄幽蘭吐芳烈芙蓉發  
紅暉百鳥何續翻振翼羣相追投網引潛魚

藝文

作鯉強弩下高飛白日已西邁歡樂忽忘歸

聯翻飛鸞鳥獨遊無所因毛羽照野草哀鳴入  
層雲我尚假羽翼飛覩爾形身願及春陽會交

頸邁殷勤

鸞鳥化爲鳩遠竄江漢邊遭遇風雲會託身鸞  
鳳間天姿旣否戾受性又不閑邂逅見逼迫俛  
仰不得言

七哀詩三首

西京亂無象豺虎方邁患復棄中國去委身適  
荆蠻親戚對我悲朋友相追攀出門無所見白  
骨蔽平原路有饑婦人抱子棄草間顧聞號泣  
聲揮涕獨不還未知身死處何能兩相完驅馬



棄之去不忍聽此言南登霸陵岸回首望長安  
悟彼下泉人喟然傷心肝

荆蠻非我鄉何爲久滯滯方舟泝大江日暮愁  
我心山岡有餘映巖阿增重陰狐狸馳赴穴飛  
鳥翔故林流波激清響猴猿臨岸吟迅風拂裳  
袂白露沾衣襟獨夜不能寐攝衣起撫琴絲桐  
感人情爲我發悲音羈旅無終極憂思壯難  
邊城使心悲昔吾親更之冰雪截肌膚風飄無  
止期百里不見人草木誰當遲與治同登城望

亭隧翩翩飛戍旗行者不顧反出門與家辭子  
弟多俘虜哭泣無已時天下盡樂土何爲久留  
茲蓼蟲不知辛去來勿與諮

詩傳於人不能忘也然亦與公志同願等  
此詩不于古詩異類不絕在古詩公集



荆楚魏絕邈山河迥遠戮力乃心共獎王室使  
 骨傷時人不能相忍也然孤與太公志同願等  
 雖楚魏絕邈山河迥遠戮力乃心共獎王室使  
 非族不干吾盟異類不絕吾好此孤與太公無  
 貳之所致也功績未卒太公殂隕賢胤承統以  
 繼洪業宣奕世之德履不顯之祚摧嚴敵於鄴  
 茲寒蟲不賦辛法來以與德  
 弟多野實哭出無日却天下盡樂  
 亭劉臨流飛以煎百法不識更出與與  
 秋白  
 賦不能寐  
 衣起撫琴絲桐  
 思壯難  
 忍

書

為劉荊州與袁譚書

天降災害禍難殷流初交殊族卒成同盟使王  
 室震蕩彝倫攸斁是以智達之士莫不痛心入  
 骨傷時人不能相忍也然孤與太公志同願等  
 雖楚魏絕邈山河迥遠戮力乃心共獎王室使  
 非族不干吾盟異類不絕吾好此孤與太公無  
 貳之所致也功績未卒太公殂隕賢胤承統以  
 繼洪業宣奕世之德履不顯之祚摧嚴敵於鄴



都揚休烈於朔土顧定疆宇虎視河外凡我同盟莫不景附何悟青蠅飛於竿旌無忌游於二壘使股肱分成二體胷膂絕爲異身初聞此問尚謂不然定聞信來乃知闕伯實沈之忿已成棄親卽讐之計已決旃旆交於中原暴尸累於城下聞之哽咽若存若亡昔三王五伯下及戰國君臣相弑父子相殺兄弟相殘親戚相滅蓋時有之然或欲以成王業或欲以定霸功皆所謂逆取順守而徼富彊于一世也未有棄親卽

異兀其根本而能全於長世者也昔齊襄公報九世之讐士匄卒荀偃之事是故春秋美其義君子稱其信夫伯游之恨於齊未若太公之忿於曹也宣子之臣承業未若仁君之繼統也且君子違難不適讐國交絕不出惡聲况忘先人之讐棄親戚之好而爲萬世之戒遺同盟之耻哉蠻夷戎狄將有誚讓之言况我族類而不痛心邪夫欲立竹帛於當時全宗祀於一世豈宜同生分謗爭校得失乎若冀州有不弟之傲無



慙順之節仁君當降志辱身以濟事爲務事定  
之後使天下平其曲直不亦爲高義邪今仁君  
見憎於夫人未若鄭莊之於姜氏昆弟之嫌未  
若重華之於象敖然莊公卒崇大隧之樂象敖  
終受有鼻之封願相棄百痾追攝舊義復爲母  
子昆弟如初今整勒士馬瞻望鵠立

爲劉荊州與袁尚書

表頓首頓首將軍麾下勤整六師芟討暴虐戎  
馬廝養罄無不宜甚善甚善河山阻限狼虎當  
路雖遣驛使或至或否使引領告而莫達初聞  
郭公則辛仲治通內外之言造交遘之隙使士  
民不協姦釁並作聞之愕然爲增忿怒校尉劉  
堅皇河田買等前後到荊得二月六日所起書  
又得賢兄貴弟顯雍及審別駕書陳叙事變本  
末之理乃知變起辛郭禍結同生追闕伯實沈



之蹤忘棠棣死喪之義親尋干戈僵屍流血聞之哽咽若存若亡乃追案書傳思與古比昔軒轅有涿鹿之戰周公有商奄之軍皆所以剪除災害而定王業者也非強弱之爭喜怒之忿也是故滅親不爲尤誅兄不傷義也今二君初承洪業纂繼前軌進有國家傾危之慮退有先公遺恨之責當惟曹氏是務不爭雄雌之勢惟國是康不計曲直之利雖蒙塵垢罪下爲隸圉圻入汙泥猶當降志辱身方以定事爲計何者夫

命木水火以剛柔相濟然後克得其和能爲民用若使金與金相迕火與火相爛則焦然摧折俱不得其所也今青州天性峭急迷於目前曲直是非昭然可見仁君智數弘大綽有餘裕當以大包小以優容劣歸是於此乃道教之和義士之行也縱不能爾有難忍之忿且當先除曹操以卒先公之恨事定之後乃議兄弟之怨使記注之士定曲直之評不亦上策邪且初天下起兵以尊門爲主是以衆寡喁喁莫不樂袁氏



之大也今雖分裂有存有亡嚮然景附未有革  
心若仁君兄弟能悔前之謬克已復禮以從所  
驩則弱者自以爲強危者自以爲寧誠欲戮力  
長驅共獎王室雖亡之日猶存之願則伊周不  
足參五伯不足六也若使迷而不返遂而不改  
則戎狄蠻夷將有誚讓之言况我同盟復能戮  
力爲君之役哉則是太公墳壠將有汗池之禍  
夫人弱小將有滅族之變彼之與此豈可同日  
而論之哉且行違道以自存猶尚不可况失義

以自亡而遺敵之禽哉此韓盧東郭自困於前  
而遺田父之獲也昔齊公孫竈卒晏子知子期  
之不免也故曰二惠競爽猶可又弱一箇姜氏  
危哉表與劉左將軍及北海孫公佑共說此事  
未嘗不痛心入骨相爲悲傷也今整勒士馬憤  
踊鶴立冀聞和同之聲約一舉之期故復遣信  
并與青州書若其泰也則袁族其與漢升降乎  
若其否也則同盟永無望矣臨書愴恨不知所



水軍入海... 演習舟楫

...

...

...

...

...

...

...

...

檄

為荀彧與孫權檄

昨令將帥戰士就渤海七八百里演習舟楫四年之內無日休解今已擊權若飛回柁若環

...

...

...



平之內無日於賴今日攀麟以贊曰外者眾

和令謝明輝士游由新十八百其真習丹謝四

為昔如與新謝謝

謝

王侍中集卷之三

魏山陽王粲仲宣著

明閩漳張燮紹和纂

七

七釋

潛虛丈人違世遁俗恬淡清玄渾沌淳樸薄禮

愚學無為無欲均同死生混齊榮辱於是大夫

聞而歎曰蓋聞君子不以仕易道不以身後時

進德脩業與世同理今子深藏其身高棲其志



外無所營內無所事邯鄲才女三齊巧士名唱  
秘舞承閑並理七盤陳於廣庭疇人儼其齊俟  
翩飄微霍亂精蕩神巴渝代起鞞鐸響振農功  
旣登玄陰戒寒乃致衆庶大獵中原植旌拊表  
班授行曲絙綱連置彌山跨谷弦不虛控矢不  
徒徃僵禽連積隕鳥若雨麗才美色希世特立  
豐膚曼肌弱骨纖形鬢髮玄髻脩項秀頸紅顏  
照曜睽若茗榮戴明中之羽雀雜華鑷之歲蕤  
珥照夜之雙璫煥焞焞以垂暉聖人在仕特邁  
其德先天弗違稽若古則獻哲文明允恭玄塞  
登俊又於壠畝舉賢才於仄微置彼周行列於  
邦畿九德咸事百僚師師於是四海之內咸變  
時雍普天率土比屋可封是以棲林隱谷之夫  
逸迹放言之士鑒乎有道貧賤是耻禮樂以作



致極效言之士鑒乎有獻貧類最顯  
 部兼普天率土以呈而捷景以對  
 惟端止齋如事百射相相景四我  
 登對又外謝油舉賀木然刃始置  
 其德去天波嶽嶽辭古古四贈普  
 文即武泰文案

記

荊州文學記

有漢荊州牧劉君稽古若時將紹厥績乃曰先  
 王之爲世也則象天地軌儀憲極設教導化敘  
 經志業用建雍泮焉立師保焉作爲禮樂以作  
 其性表陳載籍以持其德上知所以臨下下知  
 所以事上官不失守民聽無悖然然太階平焉  
 夫文學也者人倫之守大教之本也乃命五業  
 從事宋衷所作文學延朋徒焉宣德音以贊之



王何中集 卷三  
降嘉禮以勸之五載之間道化大行者德故老  
綦毋闔等負書荷器自遠而至者三百有餘人  
於是童幼猛進武人革面總角佩觿委介免胄  
比肩繼踵川逝泉涌疊疊如也兢兢如也遂訓  
六經講禮物諧八音協律呂脩紀曆理刑法六  
路咸秩百氏備矣

天降純嘏有所底授臻於我君受命既茂南牧  
是建荆衡作守時邁淳德宣其丕繇厥繇伊何  
四國交阻乃赫斯威爰整其旅虔夷不若屢載  
寇侮誕啟洪軌敦崇聖緒典墳旣章禮樂咸舉  
濟濟縉紳盛茲階宇祁祁髦俊亦集爰處和化  
普暢休徵時叙品物宣育百穀繁蕪勳格皇穹  
聲被四宇



贊於四宇

普則於郊神除品以宣百自鍊樂無博於星宮  
齊齊普於盈玄習宇沛沛學於亦果受與於  
天到端效共輝媒崇望濟典謝百章賦樂於

論

務本論

古者之理國也以本為務八政之於民也以食  
為首是以黎民時雍降福孔嘉也故仰伺星辰  
以審其時俯耕藉田以率其力封祀農稷以神  
其事祈穀報年以寵其功設農師以監之置田  
畷以董之黍稷茂則喜而受賞田不墾則怒而  
加罰都不得有游民室不得有懸耜野積踰冬  
奪者無罪場功過限竊者不刑所以競之於閉



藏也先王藉田以力任力以夫議其老幼度其  
遠近種有常時耘有常節收有常期此賞罰之  
本種不當時耘不及節收不應期者必加其罰  
苗實踰等必加其賞也農益地辟則吏受大賞  
也農損地狹則吏受重罰也夫火之焚人也甚  
於怠農慎火之力也輕於耘種通邑大都有嚴  
令則火稀無嚴令則燒者數非賞罰不能濟也

### 三輔論

湘潛先生江濱逸老將集論雲夢玄公豫焉先  
生稱曰蓋聞戎不可動兵不可揚今劉牧建德  
番芳名烈旣彰矣曷乃稱兵舉衆殘我波靈逸  
老曰是何言與天生五材金作明威長沙不軌  
敢作亂違我牧覩其然乃赫爾發憤且上征下  
戰去暴舉順州牧之兵建拂天之旌鳴振地之  
鼓玄胄曜日犀甲如堵以此衆戰孰能嬰御劉  
牧之懿子又未聞乎履道懷智休迹顯光洒掃







不能踰也三聖有所不化矣有所不移矣周公  
之不能化殷之頑民所可知也苟不可移必或  
犯罪罪而弗刑是失所也犯而刑之刑不可錯  
矣孟軻有言盡信書不如無書有大而言之者  
刑錯之屬也豈億兆之民歷數千年而無一人  
犯罪一物失所哉謂之無者盡信書之謂也

儒吏論

士同風於朝農同業於野雖官職務殊地氣異  
宜然其致功成利未有相害而不通者也至乎  
末世則不然矣執法之吏不闕先王之典縉紳  
之儒不通律令之要彼刀筆之吏豈生而察刻  
哉起於几案之下長於官曹之間無溫裕文雅  
以自潤雖欲無察刻弗能得矣竹帛之儒豈生  
而迂緩也起於講堂之上遊於鄉校之中無嚴  
猛斷割以自裁雖欲不迂緩弗能得矣先王見



其如此也是以博陳其教輔和民性達其所壅  
祛其所蔽吏服雅訓儒通文法故能寬猛相濟  
剛柔自克也

士同風於博農同業於理雖官類殊於此異

爵吏備

### 爵論

依律有奪爵之法此謂古者爵行之時民賜爵  
則喜奪爵則懼故可以奪賜而法也今爵事廢  
矣民不知爵者何也奪之民亦不懼賜之民亦  
不喜是空設文書而無用也今誠循爵則上下  
不失實而功勞者勸得古之道合漢之法以貨  
財爲賞者不可供以復除爲賞者租稅損減以  
爵爲賞者民勸而費省故古人重爵也

又



王傳中集 卷三  
爵自五級轉登十級而爲列侯譬猶秩自百石  
轉遷而至於公也而近世賞人皆不由筭級從  
無爵封爲列侯原其所以爵廢古也司馬法曰  
賞不踰時欲民速觀爲善之利也近世爵廢人  
有小功無以賞也乃積累焉頒事足乃封侯非  
所以速爲而及時也上觀古比高祖功臣白起  
衛鞅皆稍爵爲五大夫客卿庶長以至於侯非  
一頓而封也夫稍稍賜爵與功大小相稱而俱  
登旣得其義且侯次有緒使慕進者逐之不能

### 連珠

#### 連珠四首

臣聞明主舉士不待近習聖君用人不拘毀譽  
故呂尚一見而爲師陳平烏集而爲輔

臣聞記功忘過君臣之道也不念舊惡賢人之  
業也是以齊用管仲而霸功立秦任孟明而晉  
耻雪

臣聞振鷺雖材非六翮無以翔四海帝王雖賢  
非良臣無以濟天下



臣聞觀於明鏡則疵瑕不滯於軀聽於直言則  
過行不累乎身

頌

太廟頌三首

標爲魏公加九錫始立宗廟令祭作此  
頌以享其先始名曰顯廟頌後更今名

思皇烈祖時邁其德肇啓洪源貽燕我則我休  
厥成聿先厥道丕顯丕欽允時祖考

綏庶邦和四宇九功備彛樂序建崇牙設璧羽  
六佾奏八音舉昭大孝衍妣祖念武功收純祐

於穆清廟翼翼休徵祁祁髦士厥德允升懷想  
成位彝在宮無思不若允觀厥崇



六創奏八音舉邵大萃而故師念五世外前  
蘇無味四宇小也甫晏樂亨事崇天瑞整休  
淵淑事夫淵豈不醜不洽允御師等

思皇照臨御萬其壽肇啓共熙頌燕其頌其

賦以享其式故各曰燕燕賦豈更今各  
刺為殿公賦此賦故立宗廟令樂於此

太廟賦三首

賦

贊

正考父贊

恂恂正父應德孔盛身為國卿族則公姓年在  
耆耄三葉聞政誰能不怠申茲約敬饘粥予口  
偃僂受命銘書金鼎祚及後聖



及金人贊

君子亮直行不柔辟友賤不耻誨焉是益我能  
發蹤彼用遠迹一言之賜過乎璵璠末世不敦  
義與茲易言而匪忠退有其謫

銘

刀銘 有序

侍中關內侯臣粲言奉命作刀銘及示以其叙  
二報誠必朝氏之刀而張常爲工矣輒思作銘  
謹奉陋不足覽

相時陰陽制茲利兵和諸色劑考諸濁清灌漿  
以數質象有呈附及載穎舒中錯形陸剗犀兕  
水截鯢鯨君子服之式章威靈無日不虞戒不  
在明



硯銘

昔在皇頡爰初書契以代結繩民察官理庶績  
誕興在世季末華藻流淫文不爲行書不盡心  
淳朴澆散俗以崩沈墨連翰染榮辱是若念茲  
在茲惟玄是宅

蕤賓鍾銘

有魏匡國誕成天功底綏六合纂定庶邦承民  
靡戾休徵惟同皇命孔昭造茲衡鍾紀之以三  
平之以六度量允嘉氣齊允淑表聲韶和民聽  
以睦時作蕤賓永享遐福



無射鐘銘

有魏匡國成功允章格于上下光于四方亦徵  
時序人悅時康造茲衡鍾有命自皇三以紀之  
六以平之厥量孔嘉厥齊孔時音聲和協人德  
同熙聽之無斁用以啟期

祭文

吊夷齊文

歲旻秋之仲月從王師以南征濟河津而長驅  
踰芒阜之崢嶸覽首陽於東隅見孤竹之遺靈  
心於挹而感懷意惆悵而不平望壇宇而遙弔  
抑悲古之幽情知養老之可歸忘除暴之爲仁  
潔已躬以騁志愆聖哲之大倫忘舊惡而希古  
退採薇以窮居守聖人之清槩要旣死而不渝  
厲清風於貪士立果志於懦夫到于今而見稱



爲作者之表符雖不同於大道含尼父之所譽

紫戶浪以黜志慈聖普也夫命忘善惡而余古

味悲古之幽靜咲養美也瓦澁意斜暴也爲年

必於此而渴刺意則刺而不平望望宇而益甲

龍于阜之制刺實首期於東南具於竹之數靈

熾曼殊之林且於王相以南五帝而事而具聖

品夷齊文

松文

附錄

王粲傳

晉陳壽

王粲字仲宣山陽高平人也曾祖父龔祖父暢皆爲漢三公

張璠漢紀曰龔字伯宗有高名於天下順帝時爲太尉初山陽太守薛勤喪妻不哭將殯臨之曰幸不爲夭復何恨哉及龔妻卒龔與諸子並杖行服時人或兩譏焉暢字叔茂名在八俊靈帝時爲司空以水災免而李膺亦



免歸故郡二人以直道不容當時天下以暢  
膺爲高士諸危言危行之徒皆推宗之願涉  
其流惟恐不及會連有災異而言事者皆言  
三公非其人宜因其變以暢膺代之則禎祥  
必至由是宦豎深怨之及膺誅死而暢遂廢  
終於家

父謙爲大將軍何進長史進以謙名公之胄欲  
與爲婚見其二子使擇焉謙弗許以疾免卒於  
家獻帝西遷粲徙長安左中郎將蔡邕見而奇

之時邕才學顯著貴重朝廷常車騎填巷賓客  
盈坐聞粲在門倒屣迎之粲至年旣幼弱容狀  
短小一坐盡驚邕曰此王公孫也有異才吾不  
如也吾家書籍文章盡當與之年十七司徒辟  
詔除黃門侍郎以西京擾亂皆不就乃之荊州  
依劉表表以粲貌寢而體弱通侻不甚重也  
臣松之曰貌寢謂貌負其實也通侻者簡易  
也

表卒粲勸表子琮令歸太祖



文士傳載粲說曰僕有愚計願進之於將軍  
可乎琮曰吾所願聞也粲曰天下大亂豪桀  
並起在倉卒之際疆弱未分故人各各有心  
耳當此之時家家欲爲帝王人人欲爲公侯  
觀古今之成敗能先見事機者則恒受其福  
今將軍自度何如曹公邪琮不能對粲復曰  
如粲所聞曹公故人傑也雄畧冠時智謀出  
世推袁氏於官渡驅孫權於江外逐劉備於  
隴右破烏丸於白登其餘梟夷蕩定者徃徃

如神不可勝計今日之事去就可知也將軍  
能聽粲計卷甲倒戈應天順命以歸曹公曹  
公必重德將軍保已全宗長享福祚垂之後  
嗣此萬全之策也粲遭亂流離託命此州蒙  
將軍父子重顧敢不盡言琮納其言 臣松  
之案孫權自此以前尚與中國和同未嘗交  
兵何云驅權於江外乎魏武以十三年征荆  
州劉備却後數年方入蜀備身未嘗涉於關  
隴而於征荊州之年便云逐備於隴右旣已



垂錯又白登在平城亦魏武所不經北征烏  
九與白登未不相豫以此知張騫假僞之辭  
而不覺其虛之自露也凡騫虛僞妄作不可  
覆疏如此類者不可勝紀

太祖辟爲丞相掾賜爵關內侯太祖置酒漢濱  
粲奉觴賀曰方今袁紹起河北杖大衆志兼天  
下然好賢而不能用故奇士去之劉表雍容荆  
楚坐觀時變自以爲西伯可規士之避亂荊州  
者皆海內之僑傑也表不知所任故國危而無

輔明公定冀州之日下車卽繕其甲卒收其豪  
傑而用之以橫行天下及平江漢引其賢傑而  
置之列位使海內回心望風而願治文武並用  
英雄畢力此三王之舉也後遷軍謀祭酒魏國  
旣建拜侍中博物多識問無不對時舊儀廢弛  
興造制度粲恒典之

摯虞決疑要注曰漢末喪亂絕無玉珮魏侍  
中王粲識舊珮始復作之今之玉珮受法於  
粲也



初粲與人共行讀道邊碑人問曰卿能闇誦乎  
曰能因使背而誦之不失一字觀人圍碁局壞  
粲爲覆之碁者不信以杷盖局使更以他局爲  
之用相比校不誤一道其彊記默識如此性善  
筭作筭術畧盡其理善屬文舉筆便成無所改  
定時人常以爲宿構然正復精意覃思亦不能  
加也

典畧曰粲才旣高辯論應機鍾繇王朗等雖  
各爲魏卿相至於朝廷奏議皆閣筆不能著

手

著詩賦論議垂六十篇建安二十一年從征吳  
二十二年春道病卒時年四十一粲二子爲魏  
諷所引誅後絕

文章志曰太祖時征漢中聞粲子死歎曰孤  
若在不使仲宣無後







於魏之疆天開之祚未嘗稱王厥性斯氏條分  
葉散世滋芳烈揚聲秦漢會遭陽九炎光中燿  
世祖撥亂爰建時雍三台樹位履道是鍾寵爵  
之加匪惠惟恭自君二祖爲光爲龍僉曰休哉  
宜翼漢邦或統太尉或掌司空百揆惟敘五典  
克從天靜人和皇教遐通伊君顯考奕葉佐時  
入管機密朝政以治出臨朔岱庶績咸熙君以  
淑懿繼此洪基既有令德材技廣宣疆記洽  
爾贊微言文若春華思若涌泉發言可誅下

成篇何道不洽何藝不閑棋局逞巧博奕性賢  
皇家不造京室隕顛宰臣專制帝用西遷君乃  
羈旅離此阻艱翕然鳳舉遠竄荆蠻身窮志達  
居鄙行鮮振冠南嶽濯纓清川潛處蓬室不干  
勢權我公奮鉞耀威南楚荆人或違陳戎講武  
君乃義發筭我師旅高尚霸功投身帝宇斯言  
旣發謀夫是與是與伊何響我明德投戈編郡  
稽顙漢北我公寔嘉表揚京國金龜紫綬以彰  
勳則勳則伊何勞謙靡已憂世忘家殊畧卓峙



乃署祭酒與軍行止筭無遺策畫無失理我王  
建國百司雋又君以顯舉秉機省闈戴蟬珥貂  
朱衣皓帶入侍帷幄出擁華蓋榮耀當世芳風  
晻藹嗟彼東夷憑江阻湖騷擾邊境勞我師徒  
光光戎輅霆駭風徂君侍華轂輝耀王塗思榮  
懷附望彼來威如何不濟運極命衰寢疾彌留  
吉往凶歸嗚呼哀哉翩翩孤嗣號慟崩摧發軫  
北魏遠迄南淮經歷山河泣涕如頽哀風興感  
行雲徘徊游魚失浪歸鳥忘栖嗚呼哀哉吾與  
夫子義貫丹青好和琴瑟分過友生庶幾遐年  
攜手同征如何奄忽棄我夙零感昔宴會志各  
高厲予戲夫子金石難敝人命靡常吉凶異制  
此權之人孰先隕越何寤夫子果乃先逝又論  
死生存亡數度子猶懷疑求之明擬儻獨有靈  
游魂泰素我將假翼飄颻高舉超登景雲要子  
天路喪柩旣臻將反魏京靈輻迴軌白驥悲鳴  
虛廓無見藏景蔽形孰云仲宣不聞其聲延首  
歎息雨泣交頸嗟乎夫子永安幽冥人誰不沒



達士徇名生榮死哀亦孔之榮嗚呼哀哉

天欲喪琳瑯駭群又驟京靈離國輝白艷悲劇  
世變素素非非雖真鵬鵬高舉跋登景雲要千  
萬生非亡幾喪千斷對幾未之即謝當歸自靈  
洲對之人據武前越何辭夫子果以武遊又論  
高州千劫夫千金百撲始人命與常吉凶異機  
熱手回五吸回孤思棄非風零海昔宴會悲各  
天子養貴世青故味琴瑟分戲文主無幾幾

贈王粲

陳思王植

端坐苦愁思攬衣起西游樹木發春華清池激  
長流中有孤鴛鴦哀鳴求匹儔我願執此鳥惜  
哉無輕舟欲歸忘故道顧望但懷愁悲風嗚我  
側義和逝不留重陰潤萬物何懼澤不周誰令  
君多念自使懷百憂

又贈丁儀王粲

陳思王植

從軍度函谷驅馬過西京山岑高無極涇渭揚  
濁清壯哉帝王居佳麗殊百城員闕出浮雲承



露槩泰清皇佐揚天惠四海無交兵權家雖愛  
勝全國爲令名君子在末位不能歌德聲丁生  
怨在朝王子歡自營歡怨非貞則中和誠可經

仲宣樓

明王志遠

景升三雅酌不洗客心愁故國風烟渺長江日  
夜流登樓無限意作賦有煩憂誰解愛才者君  
看鸚武洲

遺事

杜襲與王粲和洽並用彊識博聞故太祖游觀  
多得驂乘襲嘗獨見至夜半粲性躁競起坐曰  
不知公對杜襲道何等也洽曰天下事豈有盡  
邪卿晝侍可矣悒悒於此欲兼之乎

杜襲傳

魏武北征踰垣升嶺眺矚見一崗不生百草王  
粲曰必是古塚此人在世服生礬石死而石生  
熟蒸出外致卉木焦滅鑿之果得大墓有礬滿

坐

異苑



王仲宣好驢鳴既葬文帝臨其喪顧語同遊曰  
王好驢鳴可各作一聲以送之赴客皆一作驢

鳴世說新語

王粲與族兄凱避地荊州劉表欲以女妻粲嫌  
其形陋而用率以凱有風貌乃妻凱凱生業蔡  
邕有書數車與粲粲亡後其子被誅邕所與書

悉入業博物記

顏之推與崔文彥交遊嘗說王粲集中難鄭玄  
尚書事崔轉為諸儒道之始將發口懸見排處

云文集止有詩賦銘誄豈當論經書事乎且先  
儒之中未聞有王粲也崔笑而退竟不以粲集  
示之

襄陽有王粲井在蒗山東粲故宅在焉唐杜甫詩吾家碑不昧王氏井依然一在習池宋孫信臣詩王粲初開井山翁舊醉池  
一統志



司馬請王粲降國特出參書漸欲志女妻粲媿

用言音案本相王貞并外然一亦皆此案終

案則自王粲其父余出山東粲始宗武武漢武其

示文

謝文中未聞官王粲也雖笑而數黃不越藥案

云文果立有高頌給精竟當備密書等也且案

集評

王粲長於辭賦粲之初征登樓槐賦征思維張

蔡不過也魏文帝

王仲宣昔在荊州著書數十篇荊州壞盡焚其

書今在者二篇知名之士咸重之見虎一毛不

知其班金樓子

子建仲宣以氣質為主並標能擅美獨映當時

沈約

王粲所與蔡子篤及文叔良士孫文始楊德祖



詩及所為潘文則作思親詩其文當而整皆近

乎雅矣贈楊脩詩今亡摯虞文章流別

祭詩其源出於李陵發愀愴之詞文秀而質羸

在曹劉間別構一體方陳思不足比魏文有餘

鍾嶸詩品

仲宣溢才捷而能密文多兼善辭少瑕累摘其

詩賦則七子之冠冕乎文心雕龍

仲宣七釋致辨于事理文心雕龍

仲宣靡密發端必道

七哀仲宣詩云出門無所見白骨蔽平原路有

饑婦人抱子棄草間顧聞號泣聲揮涕獨不還

未知身死處何能兩相完驅馬棄之去不忍聽

此言此事在耳目故傷見乎詞及至南登灞陵

岸迴首望長安葵思則已極覽詞則不傷一篇

之功併在於此使古今作者味之無厭末句因

悟彼下泉人蓋以逝者不返吾將何親故有傷

肝肺之嘆沈約云不傍經史直率胸臆吾許其

知詩也然較



三良陳王詩曰秦穆先下世三臣皆自殘王粲  
云秦穆殺三良惜哉空爾爲蓋陳王徙國任城  
被害常有憂生之慮故其詞婉婉存幾諫也王  
粲顯責穆公正言其過存直諫也二詩體格高  
遠才藻相鄰至臨穴呼蒼天淚下如綆縻乃迥

出情表未知陳王將何以敵

然皎

王粲作如梗枘杞梓輪困離竒豈細材哉

竹林詩評

項平甫作信美樓記云王仲宣之言曰雖信美  
非吾土曾何足以少留至今文士曰此思歸之

曲也曾未有論其心者蓋仲宣漢貴公孫也雖

遜身南夏而繫志西周彼以爲撫清漳曲沮之

流不若灞澹涇渭之速清也覽昭丘陶牧之勝

不若終嶮吳華之亟平也冀道路之一開憂日

月之逾邁故以是爲不可久留不當與張翰思

吳之歎班超玉門之書馬援浪泊西里之念同

一議狀也平甫此論得仲宣之心矣仲宣不依

曹黃二袁而依劉表意亦可見

鶴林玉露

王仲宣詩深清以幸視者知彼不于史記律書



情核其華道者明矣之語華者貌也然史記之  
 語觀仲宣之詩而益明仲宣之詩得李善之解  
 而始白觀書所以貴乎身證心升菴

漢書卷之九十四上  
 卷之九十四上  
 卷之九十四上  
 卷之九十四上



卷之三